

30. nov. 2015

Uunga siunnersuut: Apeqquteqaat aallaavigalugu oqallinnissamik siunnersuut: Qanoq ililluta imeq sermerlu nunatta avataanut niuerutigalugu aningaasarsiutiginerusinnaavarput?
(Inatsisartunut ilaasortaq Anthon Frederiksen, Partii Naleraq)

Siullermik apeqquteqaat aallaavigalugu oqallinnissamik siunnersuummut qujanaq, Anthon Frederiksen Partii Naleraq.

Nunatta pissarititaanik aningaasarsiornerusinnaavugut? naatumik akineqarsinnaavoq, aap, tamanna aamma ilaatigut siunertarineqarluni inatsisitigut maj 2001-imi atuutinneqalersumik ammaan-neqarpoq.

Sikup erngullu atorluarnissaanik aallaaveqartumik oqallinnerit ukiorpassuannortuni ingerlanneqar-simalerput. Nunatta sapinngisamik periarfissatigut nammineq uummaatsunik uummassusilinnillu atorluaanissaa suliniutissaavoq pingaarutilik inuiaqatigiit akornanni siuarsagassaq.

Immineq pilersorneq sutigut tamatigut anguniagassaavoq soorlutaaq Siumup tamanna anguniagassaattut imaattumik allassimasoqartoq:

“Nilammik imermillu nioqqutissiornerit taakkunanngalu niuerutiginnerit piaartumik annertusaa-vigineqassapput, taamaaliornissamullu akornutaasinnaasut aporfiusinnaasullut qulaajarneqassa-llutik. Imeq pisuussuterput nunatsinnut aningaasarsiutaanerunissaa Siumup aqutissiuutissavaa”

Anguniartuarparput nunatta pissarititai qanoq iliorluta atorluarsinnaaneripput paasiniartuassallugu, tassaniipportaaq imeq sermerlu nunatsinni aningaasarsiutigineqarsinnaanerata annertusarneqarsin-naanera.

Nunatta pissarititai atorluarnerusinnaavarput, tassanilu pingaaruteqarpoq inuit piomassuseqarluartut suliniuteqarnissamullu siuttoorusuttut atorluarneqarnissaat tapersorsorluartarnissaallu. Ullumikkut ilisimavarput nunatsinni namminersortutut inuussutissarsiteqarniaraanni nukippassuarnik atuisoqartariaqarluni ingerlatsisoqartartoq, soorlutaaq aallarnisaanermiit piginnittut inissimanerup suliffiup ingerlalluarnissaannik pingaartitsinermik nassataqarfiusartoq.

Killiffik qiviaraanni takuneqarsinnaavoq nunatsinniit imeq tuniniarneqalermat nunaqqatittha assut mamaralugu iluarisimaarluraat, taamaattorli avataanniit assinganik imernik assigiinningsorpassuar-nik pitsaassusilinnik nunatsinnut tikisiortorneqartuarput, ilami allaat ilaat uagut tunisassiatsinniit akikinneralutik.

Siumumiit isumaqarpugut nunatsinni tunisassiat annerusumik illersortariaqarigut, soorlu aningaa-sanut inatsimmi isumaqatigiinniarnep nalaani ilanngullugit avataaniit imit eqqussukat akitsuus-erneqarnerisigut anguniarsimagipput, unammilleqatigiinneq naligiinnerusoq peqqullugu, taamaa-silluni siunissami nunatsinni tunisassiortut akilersinnaanerusumik ingerlatsisinnaaqqullugit, allaat avammut niuernermik kinguneqartumik tunisassiulersinnaanerata periarfissillugu.

Nunatsinni nammisortuulluni ingerlatsiniarneq arlariinnik aporfissaqarpoq, niuerneq tunngaviga-
lugu akilersinnaasumik ingerlatsinissaq pisariaqarpoq, ilisimavarpullu ajornartorsiutinik assigiinng-
itsorpassuarnik patsiseqartumik nutaaliorniarnerni ajornartorsiuteqartoqartartoq, taamaattumik
tunngavissaqarluni oqallinnissaq pisariaqarpoq.

Ajornartorsiutit piusut arlaqarput, qularnanngilarlu innuttaasut nunatsinni ikittunnguunerput
aammalu siammasissumik nunaqariaaseqarnerput patsisigalugit akilersinnaasumik niuernikkut
nunarsuarmioqatitsinnut unammilleruminaattunik atugassaqaartitaasaratta. Tamatuma
malitsigisaanik imminut akilersinnaasumik ingerlatsisoqassappat, pisariaqarpoq aaqqissuusaasumik
pilersaarusiornikkut tamanna ingerlanneqarnissaa.

Tamanna anguniarlugu Siumumiit anguniakkanut oqariartuuterput ersarippoq, tassalu
alloriarnissamut tunngavissat annertunerusut pigineqarlutik suliniutit ingerlanneqassapput.

Taamak oqaaseqarluta Siumumiit oqaaseqaatissatut kaammattuut taama ilusilik ilalerlugu
matumuuna oqariartuuteqassaagut.

Suka K.Frederiksen, Siumut.